

Kapisilinniarneq pillugu Namminersornerullutik Oqartussat nalunaarutaat

Aalisarneq pillugu Inatsisartut inatsisaanni nr. 18-imi 31. oktober 1996-imeersumi, kingullermik aalisarneq pillugu Inatsisartut inatsisaata allanngortinneqarneranik Inatsisartut inatsisaatigut nr. 6-ikkut, 20. maj 1998-imeersukkut allanngortinneqartumi, aalisarneq pillugu Inatsisartut inatsisaata allanngortinneqarneranik Inatsisartut inatsisaatigut nr. 5-ikkut, 21. maj 2002-imeersukkut allanngortinneqartumi § 5, § 8, § 10, § 10a, imm. 1, § 13, imm. 2, § 23, § 24, imm. 1, § 25, § 26, § 33, imm. 2 aamma § 34, imm. 3 malillugit aalajangersarneqarpoq:

Atuuffia

§ 1. Nalunaarut kapisilinniarnermut tamarmut imartani Kalaallit Nunaata aalisarnikkut oqartussaaffigisaani Nunap Isuata kitaani NAFO-p sumiiffilersuiffiani 1-imi ingerlanneqartumut atuuppoq. Tunngaviusumik killigititami 40 sømilit avataanni aalisarneq inerteqqutaavoq.
Imm. 2. Kalaallit Nunaata Kangiata aalisarfittaani kapisilinniarnermi malittarisassat nalunaarummi §§ 5 imm. 2, 6, 7, 8, 9, 10 aamma 12-mi taaneqartut taamatuttaaq atuupput. Tunngaviusumik killigititami 12 sømilit avataanni aalisarneq inerteqqutaavoq.
Imm. 3. Nalunaarut aammattaaq kapisilinnik pisinerup tunisinerullu nalunaarutigineqarnerinut kiisalu inuussutissarsiummut atatinngu kapisilinniarnermi pisat nalunaarutigineqarnerinut atuuppoq.

Nassuiaatit

§ 2. Inuussutissarsiutigalugu kapisilinniarneq nalunaarummi matumani paasineqassaaq pisat tamaasa ilaannaasaluunniit tuniniarnissaat siunertaralugu kapisilinniarnertut. Inuussutissarsiutigalugu kapisilinniarnissamut akuersisummik allagartallit kisimik kapisilinnik tuniniaasinnaatitaapput.
Imm. 2. Inuussutissarsiummut atatinngu kapisilinniarneq nalunaarummi matumani paasineqassaaq nammineq atugassanik kapisilinniarnertut.
Imm. 3. Kapisilinnik pisineq nalunaarummi matumani paasineqassaaq inunnit kapisilinniarnissamut akuersisummik allagartaqartunit toqqaannartumik pisineq tiguserlu.
Imm. 4. Piffissaq aalisarfusoq nalunaarummi matumani paasineqassaaq piffissatut imaluunniit piffissat ilaattut kapisilinniarsinnaatitaaffittut.
Imm. 5. Pisassat ilaat nalunaarummi matumani paasineqassaaq pisassat tamarmiusut piffissami aalisarfiusumi piffissami aalajangersimasumi aalisarneqarsinnaasutut.

Inuussutissarsiutigalugu kapisilinniarnermut piumasaqaatit

§ 3. Akuersissummik allagartamik tunineqartut kisimik inuussutissarsiutigalugu kapisilinniarsinnaatitaapput. Inuussutissarsiutigalugu kapisilinniarsinnaanermut allagartat akuersissutit Aalisarnermut Pisorta qarfik tunniunneqassapput.

Imm. 2. Allagartat akuersissutit qinnuteqartunut piumasaqaatinik makkuninnga naamassinnittunut tunniussisoqarsinnaavoq:

1) Inuiaqatigiinnut kalaallinut attuumassuteqavissunut, tak. aalisarnek pillugu Inatsisartut inatsisaanni § 3, imm. 4.

2) Qassutitik kapisilinniutitik aamma angallammik kapisilinniummik 12,8 meterit (42 fod) tikillugit tamakkerlugu angissusilimmik nammineq pigisaqartunut.

3) Qinnuteqarnermut atatillugu qinnuteqartumit pigineqartut qassutit kapisilinniutit qassiunerinik qanorlu ittuunerinik imaluunniit ilisarnaataannik nalunaaruteqartumut.

Imm. 3. Angallatit raajarniarnermut atorineqartut inuussutissarsiutigalugu kapisilinniarnermut atorineqassanngillat.

Inuussutissarsiutigalugu kapisilinniarnermi piniutit

§ 4. Inuussutissarsiutigalugu kapisilinniarneq qarsorsat qassutilluunniit tasillugit 140 mm-inik nigartallit atorlugit taamaallaat ingerlanneqassaaq. Qassutit tissukartittakkat atorineqarsinnaapput, taamaattorli atuineri ataatsimi amerlanerpaamik uiguleriit 20-kkuutaarlugit.

Imm. 2. Qassutit nigartaat uuttorneqassapput aalisarnermik nakkutilliisut uuttuutaata $\frac{1}{2}$ kiilumik oqimaalutserlugu nigartamut ikkuneratigut nakkartinneeratigullu. Qimiaa puttalatitsisoq atuarlugu nigartat 20-t qimiaanut ungaseqatigiit uuttorneqassapput. Nigartat tamarmik imm. 1-imi piumasaqaat eqqortissavaat.

Imm. 3. Qassutit kapisilinniutit atorineqartut tamarmik piginnittup aqqanik imaluunniit taassuma angallataata normuanik nalunaaqutsersugaassapput. Nalunaaqutsiineri atorineqartoq imermi allannguajatsuussaaq.

Imm. 4. Silap pissusaata taamaattoqartissinnaappagu qassutit kapisilinniutit akuttunngitsumik akulikitsumillu qassusiarfigineqartassapput, pisat uumanissaminut periarfissaat ajornerulertussaajunnaarlugit.

Inuussutissarsiutigalugu kapisilinniarnernup aqunneqarnera

§ 5. Inuussutissarsiutigalugu kapisilinniarneq, tak. § 2, imm. 1, imatut ingerlanneqassaaq:

1) Pisassiisarluni aalisarnertut ingerlatseqatigiiffinnut pisiortortunut tunisassanik.

2) Pisassiisarluni aalisarnertut taamaallaat najukkani assigiinngitsuni kalaalimeerniarfiit kiisalu akunnittarfiit, neriniartarfiit, napparsimmaviit, ilinniartut ineqarfii nerisaqarfillu tamanut ammasut allat aqqutigalugit tuninarneqarsinnaasunik.

§ 6. Aalisarnermut, tak. § 5, imm. 1, nr. 1, Naalakkersuisut ukiut tamaasa, nunat tamalaat akornanni isumaqatigiissutit mianeralugit, Kitaani kapisilittassat amerlanerpaaffissaannik aalajangersaasassapput. Pisassat pisassanut immikkoortiterneqarsinnaapput piffissap ilaani aalisarneqarsinnaasutut agguataarneqarsinnaallutik.

Imm. 2. Aalisarnermut Pisorta qarfik KNAPK-lu isumasioqatigereerlugu inuussutissarsiutigalugu kapisilinniarnissamut piffissat ilaannut ataasiakkaanut ulloq aallartiffissaq aalajangertassavaa. Piffissat ilaannut ataasiakkaanut ulloq aallartiffissaq kommuninut ataasiakkaanut, KANUKOKA-mut, KNAPK-mut

kiisalu nuna tamakkerlugu tusagassiorfiit aqputigalugit nalunaarutigineqassaaq.

Imm. 3. Inuussutissarsiuutigalugu kapisilinniarneq piffissat ilaannut ataasiakkaanut ulloq aallartiffissatut aalajangerneqartoq sioqqullugu aallartinneqassanngilaq aammalu piffissat ilaasa ataasiakkaat naanerisigut unitsinneqarluni imaluunniit pisassat ilaat nungunneqarpata.

Imm. 4. Inuussutissarsiuutigalugu kapisilinniarneq taamaallaat pisassatut aalajangerneqartut, aalisakkaat uumatillutik uuttuutaattut (ilivitsuutillugit) kiilunngorlugit taaneqartut, iluanni pisinnaavoq.

Imm. 5. Inuussutissarsiuutigalugu kapisilinniarnermit pisat Kalaallit Nunaata avataani taamaallaat pisiariortorneqarsinnaapput tuniniarneqarsinnaallutillu Naalakkersuisut pisinnaatitsineratigut.

§ 7. Kapisillitassissutit ilaat aalajangikkat tamakkerlugit pisarineqarnissaat qanillippat, Aalisarnermut Pisortaqarfiup nalunaarutigissavaa, qaqugu inuussutissarsiuutigalugu kapisilinnik aalisarneq kiisalu taamatut aalisarnermit pisanik pisineq aamma tunisineq unissasoq.

Imm. 2. Tamanna kommunitut ataasiakkaanut, KNAPK-mut KANUKOKA-mullu aammalu nuna tamakkerlugu tusagassiorfiit aqputigalugit nalunaarutigineqassaaq.

Imm. 3. § 6, imm. 3 naapertorlugu aalisarneq unippat, inuussutissarsiuutigalugu kapisilinniarneq sunaluunniit kiisalu aalisarnermit tamatumanga pisineq tunisinerlu inerteqqutaapput.

§ 8. Aalisarnermut, tak. § 5, imm. 1, nr. 2, Naalakkersuisut kapisilinniarnerup ulloq aallartiffissaa unitsinneqarfissaalu ukiut tamaasa aalajangersartassavaat.

Imm. 2. Aalisarneq unitsinneqarpata, tak. imm. 1, inuussutissarsiuutigalugu kapisilinniarneq kiisalu taamatut aalisarnermit pisanik pisiortorneq tunisinerlu inerteqqutaalissapput.

Inuussutissarsiuutigalugu kapisilinnik aalisarnermit pisanik nalunaaruteqartarneq

§ 9. Kapisillit pisarineqartut tamarmik Kalaallit Nunaanni Aalisarnermik Nakkutilliisoqarfimmut (KANUAANA) nalunaarutigineqassapput.

Imm. 2. Tunisat imaluunniit akigineqartut amerlassusii "niaquernagit erlaveerlugit" nalunaarutigineqarpata naatsorsueriaaseq 1,11 atorineqassaaq aalisakkaat ilivitsunngortillugit naatsorsorneranni.

Imm. 3. Tunisassiorfimmud ingerlatseqatigiiffimmud tunisinermi ingerlatseqatigiiffiup tunisanik nalunaaruteqarnerit ullut tamaasa KANUAANA-mut nassiuuttassavai, tak. imm. 5.

Imm. 4. Aalisartut inuussutissarsiuutigalugu kapisilinniarneqarnissamik akuersissummik allagartamik pillit, kalaalimineerniarfinni toqqaannartumik tunisisartut imaluunniit kalaalimineerniarfiit avataatigut toqqaannartumik pisumut tunisaqartartut ullut tamaasa tunisat KANUAANA-mut nalunaarutigisassavaat, tak. imm. 5.

Imm. 5. Kapisillit pisat tunisallu KANUAANA-mut ullut tamaasa nalunaarutigineqartassapput. Tamanna pissaaq tunisinermit allattuiffiit atorlugit nalunaaruteqarnikkut, tak. imm. 6, imaluunniit oqarasuaat atorlugu nalunaaruteqarnikkut, tak. imm. 7, imaluunniit e-mail atorlugu, tak. imm. 8.

Imm. 6. Tunisanik allattuiffiit, tak. nalunaarummud ilanngussaq 1, ullut tamaasa KANUAANA-mut, Postboks 501, 3900 Nuuk, Telefax 32 32 35 imaluunniit 32 32 36 atorlugit nassiuunneqartassapput.

Imm. 7. Oqarasuaatikkut nalunaarutit KANUAANA-mut oqarasuaat 34 50 00 atorlugu ulluinnarni tamani nal. 8.00-p aamma 11.00-p akornanni nalunaarutigineqarsinnaapput. Tallimanngornermit, arfininngornermit sapaammillu nalunaarutit ataasinngornermi tulluuttumi siullermi nalunaarutigineqartassapput. Oqarasuaatikkut nalunaarutit paasisutissartaasa tunisanik allattuiffinni paasisutissat assigissavaat.

Imm. 8. E-mail atorlugu nalunaarutit gflk@gh.gl atorlugu nalunaarutigineqassapput. E-mail atorlugu

nalunaarutit paasissutissartaasa tunisanik allattuiffinni paasissutissat assigissavaat.

Imm. 9. Kapisillit tunineqarnissaat siunertaralugu pisineqartut, tak. § 2, imm. 1, tunineqanngitsulli, § 11-mi malittarisassat naapertorlugit nalunaarutigineqassapput.

Inuussutissarsiummut atatinngu kapisilinnik aalisarnermit pisanik nalunaaruteqartarnej

§ 10. Inuussutissarsiummut atatinngu pisassiisutit aalajangersarneqartut avataasigut kapisilinnik aalisarnej § 5, imm. 1, nr. 1 naapertorlugu danskit naalagaaffianni innuttaassuseqartunit Kalaallit Nunaanni najugaqavissunit ingerlanneqassaaq, tak. aalisarnej pillugu Inatsisartut inatsisaanni § 8, imm. 1. Nunani allani innuttaassuseqartut Danmarkimeersuunngitsut Kalaallit Nunaanni najugaqavissut aammalu ukiuni marlunni ataannartumik najugaqareersut danskit naalagaaffianni innuttaassuseqartunut naligitinneqassapput.

Imm. 2. Inuussutissarsiummut atatinngu kapisilinnik aalisarnej piffissap Naalakkersuisunit aalajangersarneqartup iluinnaani pisassiisarani inuussutissarsiutigalugu aalisarnej pisinnaavoq.

Imm. 3. Inuussutissarsiummut atatinngu kapisilinnik aalisarnej taamaallaat pisinnaavoq angallatinit 12,8 meter (42 fod) tikillugit tamakkerlugu angissusilinnit. Inuussutissarsiummut atatinngu kapisilinniarnermi qarsorsat qissattaatillu atornissaat inerteqqutaanngillat kiisalu qassutit (ataatsit) 2000-inik nigartallit, taakkua tasillugit nigartaat minnerpaamik 140 mm-iusut.

Imm. 4. Qassutit nigartaat uuttorneqassapput aalisarnermik nakkutilliisut uuttuutaata ½ kiilumik oqimaalutserlugu nigartamut ikkunneratigut nakkartinneqatigullu. Qimiaa puttalatitsisoq atuarlugu nigartat 20-t qimiaanut ungaseqatigiit uuttorneqassapput. Nigartat tamarmik imm. 1-mi piumasaqaat eqqortissavaat.

Imm. 5. Qassutit kapisilinniutit atorneqartut tamarmik piginnittup aqqanik imaluunniit taassuma angallataata normuanik nalunaaqutsersugaassapput. Nalunaaqutsiinermi atorneqartoq imermi allannguajaatsuussaaq.

Imm. 6. Silap pissusaata taamaattoqartissinnaappagu qassutit kapisilinniutit akuttunngitsumik akulikitsumillu qassusiarfigineqartassapput, pisat uumanissaminnut periarfissaat ajornerulertussaajunnaarlugit.

Inuussutissarsiummut atatinngu kapisilinnik aalisarnermit pisanik nalunaaruteqartarnej

§ 11. Inuussutissarsiummut atatinngu kapisilinnik aalisarnermi kapisillit pisineqartut tamarmik KANUAANA-mut nalunaarutigineqassapput.

Imm. 2. Pisanik nalunaaruteqarnej nalunaarummut ilanngussaq 2 atorlugu, oqarasuaat imaluunniit e-mail atorlugit nalunaaruteqarnikkut pisassaaq. Nalunaarutit kingusinnerpaamik ullup pisaqarfiup aqaguani KANUAANA-mut, Postboks 501, 3900 Nuuk, Telefax 32 32 35 imaluunniit 32 32 36 atorlugit imaluunniit e-mail gflk@gh.gl atorlugu nassiunneqassapput.

Imm. 3. Oqarasuaatikkut nalunaarutit paasissutissartaasa ilanngussaq 2-mi paasissutissat assigissavaat.

Akiliilluni kapisilinnik aalisarnej

§ 12. Takornariat taamaallaat kapisilinnik aalisarsinnaapput akiliilluni aallaaniarnej aalisarnerlu pillugit Namminersornerullutik Oqartussat nalunaarutaat naapertorlugu.

Imm. 2. Taamaallaat akiliilluni kapisilinniartoqarsinnaavoq piffissap Naalakkersuisunit aalajangersarneqartup iluinnaani pisassiisarani inuussutissarsiutigalugu aalisarnej pisinnaavoq.

Imm. 3. Akiliilluni kapisilinnik aalisarnermi taamaallaat qarsorsap qissattaatillu atornissaat akuerisaavoq.

Imm. 4. Imm. 1 naapertorlugu kapisillit pisinartut Kalaallit Nunaanni Kalaallit Nunaataluunniit avataani pisinartutillu tuniniarneqassanngillat.

Nakkutilliineq

§ 13. Angallatit, nalunaarummi matumani pineqartut KANUAANA, Sakkutuut imarsiortut (GLK), piniarnermik aalisarnermillu nakkutilliisut kiisalu politiit suleqatigissavaat suliffeqarfiit taakkua suliassaminnik isumaginninneranni, tak. aalisarneq pillugu Inatsisartut inatsisaanni §§ 26-31.

Imm. 2. Angallatit qulakkiissavaat KANUAANA-p, GLK-p aammalu politiit sulisuisa kiisalu piniarnermik aalisarnermillu nakkutilliisut ajornaquteqanngitsumik ikillutik angallammik nakkutilliinissaat.

Pineqaatissiisutit

§ 14. § 2, imm. 1-imik, § 3, imm. 1-imik, § 4, imm. 1-imik aamma 3-mik, § 5, imm. 2-mik, § 6, imm. 3, 4 aamma 5-imik, § 7 imm. 3-mik, § 8 imm. 2-mik, § 9, § 10, § 11, aamma § 12-mik unioqutitsineq akiliisitaanermik aamma pisanik arsaarinninnermik kinguneqarsinnaapput. §§ 4, 10 aammalu 12-imik unioqutitsineq taamatuttaaq piniutunik atorineqartunik arsaarinninnermik kinguneqarsinnaavoq.

Atortuulertia

§ 15. Nalunaarut ulloq 12. august 2002 atortuulertia. Tamatuma peqatigisaanik kapisilinniarneq pillugu Namminersornerullutik Oqartussat nalunaarutaat nr. 29, 8. august 2001-imeersoq atorunnaarpoq.

Namminersornerullutik Oqartussat, ulloq 10. august 2002.

Hans Enoksen

/

Amalie Jessen

Kapisilinniarneq pillugu nalunaarummut ilanngussaq 1.

Tunisianillu nalunaarsuiffik uunga nassiunneqassaaq oqarasuaatikkulluunniit nalunaarutigineqassalluni: Aalisarsinnaanermut Akuersissutit Nakkutilliisoqarfik (KANUAANA), Box 501, 3900 Nuuk, Oqarasuaat 34 50 00, Telefax 32 32 35 imaluunniit 32 32 36, e-mail gflk@gh.gl.

Immersugassaq maskinamik naqitaasiorluniluunniit allaqqunaqaaq.

A. KAPISILINNIK TUNISANIK NALUNAARUT

Tunisisup aqqa:

Kapisillit qassit:

Kiilut qassit (erlaveerlugu):

Cpr. nummer:

Kommuni:

Illoqarfik/nunaqarfik:

Angallatip normua/aqqa:

Angallatip angissusia:

A katillugit

_____ kg. kapisillit (MHUI)

(MHUI = kapisilik erlaveerlugu)

Sumiiffik kiisalu ulloq: _____

Atsiorneq: _____

Kapisilinniarneq pillugu nalunaarummut ilanngussaq 2.

Pisanik nalunaarut uunga nassiunneqassaaq: Aalisarsinnaanermut Akuersissutininik Nakkutilliisoqarfik (KANUAANA), Box 501, 3900 Nuuk, oqarasuaat 34 50 00, Telefax 32 32 35 imaluunniit 32 32 36, e-mail gflk@gh.gl.

Immersugassaq maskinamik naqitaasiorluniluunniit allaqqunaqaaq.

C. KAPISILINNIK NAMMINEQ ATUGASSATUT PISANIK NALUNAARUT

Ateq:

Kapisillit qassit:

Kiilunngorlugit. (erlaveerlugit):

Kommuni:

Illoqarfik/nunaqarfik:

C katillugit

_____ kg. kapisillit (MHUI)

(MHUI = kapisilik erlaveerlugu)

Sumiiffik kiisalu ulloq: _____

Atsiorneq: _____

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut